

**Broj: 06-11-11-04520-8/2022**  
**Sarajevo, 14.9.2022. godine**

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke broj 06-11-11-04520-7/22 od 14.9.2022. godine, Direktor Federalne uprave za inspekcijske poslove u ime ugovornog organa, donosi,

**ODLUKU**  
**o dodjeli ugovora o nabavci usluga-registracija i tehnički pregled službenih vozila**  
**Federalne uprave za inspekcijske poslove**

**I**

Prihvata se preporuka Komisije za javne nabavke uprave broj 06-11-11-04520-7/2022 od 14.9.2022. godine, te se ugovor o nabavci usluga tehnički pregled i registracija službenih vozila Federalne uprave za inspekcijske poslove po provedenom postupku konkurentskog zahtjeva za dostavljanje ponuda uz primjenu e-aukcije dodjeljuje ponuđaču „Ahmetspahić Petrol“ d.o.o. Sarajevo, čija ponuda broj 536/22 od 29.8.2022. godine je ocijenjena najpovoljnijom.

Ugovor sa ponuđačem „Ahmetspahić Petrol“ d.o.o. Sarajevo, zaključit će se pod slijedećim uslovima:

- ukupna cijena ponude: 10.770,85 KM;
- nabavka pojedinačnih usluga će se vršiti sukcesivno u skladu sa potrebama Ugovornog organa;
- ugovor će se zaključiti na period od 1 /jedne/ godine od dana zaključivanja istog;
- rok plaćanja je 30 /trideset/ dana od dana prijema mjesečne fakture na protokol Ugovornog organa.

**II**

U skladu sa članom 45. Zakona o javnim nabavkama BiH, ponuđač „Ahmetspahić Petrol“ d.o.o. Sarajevo je dužan ugovornom organu u roku od 5 (pet) dana od dana prijema ove odluke dostaviti dokaze izdate od strane nadležnih organa, kojim potvrđuje slijedeće činjenice:

- uvjerenje nadležnog suda kojim dokazuje da u krivičnom postupku nije izrečena pravomoćna presuda kojom je osuđen za krivično djelo učešća u kriminalnoj organizaciji, za korupciju prevaru ili pranje novca,
- uvjerenja nadležnih institucija kojim se potvrđuje da je izmirio dospelje obaveze, a koje se odnose na doprinose za penziono i invalidsko osiguranje i zdravstveno osiguranje
- uvjerenje nadležnih institucija da je izmirio dospelje obaveze u vezi sa plaćanjem direktnih i indirektnih poreza.

Dostavljeni dokumenti iz prethodnog stava ovog člana moraju biti originali ili ovjerene kopije i ne mogu biti stariji od 3 (tri) mjeseca računajući od dana dostavljanja ponude.

Ukoliko odabrani ponuđač ne dostavi naprijed tražene dokaze u ostavljenom roku, njegova ponuda će biti odbačena u skladu sa članom 45. stav (1) Zakona o javnim nabavkama BiH.

**III**

Ova odluka će se objaviti na web stranici Federalne uprave za inspekcijske poslove.

## Obrazloženje

Direktor Federalne uprave za inspekcijske poslove je svojom odlukom broj 06-11-11-04520/2022 od 23.8.2022 godine pokrenuo postupak javne nabavke usluga –registracija i tehnički pregled službenih vozila Federalne uprave za inspekcijske poslove uz primjenu e-aukcije, a konkretna nabavka je predviđena Planom nabavki uprave za 2022. godinu-usluge, redni broj 5., sa planiranom vrijednosti nabavke 13.500,00 KM.

Dana 24.8.2022. godine na portalu javnih nabavki BiH je objavljeno obavještenje o nabavci predmetnih usluga, broj obavještenja 1292-7-2-22-3-19/22.

Dana 7.9.2022. godine izvršeno je javno otvaranje blagovremeno pristiglih ponuda, te je u zapisniku sa otvaranja ponuda konstatovano da su ponude dostavili slijedeći ponuđači sa pročitanim vrijednostima ponuda:

Naziv/ime ponuđača	Ukupna cijena ponude sa uračunatim popustom
„Ahmetpahić Petrol“ d.o.o. Sarajevo	13.456,49 KM
„Centrotrans“ d.d. Sarajevo	14.897,86 KM
„Osing osiguranje inženjering“ d.o.o. Sarajevo	13.153,79 KM

Javnom otvaranju ponuda nije prisustvovao niko od predstavnika ponuđača koji su dostavili ponude, kao ni druga zainteresirana lica, te je zapisnik odmah putem pošte otpremljen na adrese ponuđača koji su dostavili ponude

Komisija je izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled i provjera garancija, obrazaca i drugih dokumenata. Na osnovu izvršenog neposrednog uvida u ponude utvrđeno je da su ponuđači dostavili kompletnu dokumentaciju traženu tenderskom dokumentacijom, te da ne postoje razlozi za odbacivanje ponude bilo kojeg od ponuđača.

Postupak e-aukcije je održan je dana 12.9.2022. godine sa početkom u 9,30 sati i trajao je do 11,16 sati. Uvidom u Izvještaj o toku i završetku e-aukcije za koju je konstatovano da je ista uspješno provedena, utvrđeno je da su ponuđači dali slijedeće konačne cijene ponuda:

- „Ahmetpahić Petrol“ d.o.o. Sarajevo, konačna cijena bez PDV-a: 10.770,85 KM
- „Centrotrans“ d.d. Sarajevo, konačna cijena bez PDV-a: 10.784,00 KM
- „Osing osiguranje inženjering“ d.o.o. Sarajevo, konačna cijena bez PDV-a: 12.732,90 KM

Slijedom prednje navedenog, konstatovan je slijedeći poredak ponuda:

Naziv /ime ponuđača	Cijena sa otvaranja (sa PDV-om)	Evaluirana cijena (KM)	Umanjenje cijene u %	Suštinski odgovarajuća ponuda	Rang
„Ahmetpahić Petrol“ d.o.o. Sarajevo	13.456,49 KM	10.770,85 KM	19,96%	DA	I
„Centrotrans“ d.d. Sarajevo	14.897,86 KM	10.784,00 KM	27,61%	DA	II
„Osing osiguranje inženjering“ d.o.o. Sarajevo	13.153,79 KM	12.732,90 KM	3,2%	DA	III

Kako je kriterij za dodjelu ugovora u konkretnom postupku javne nabavke najniža cijena tehnički zadovoljavajuće ponude, komisija je jednoglasno konstatovala da nema smetnji za davanje preporuke direktoru uprave da se ponuđaču koji je dostavio ponudu sa najnižom cijenom dodijeli ugovor o nabavci predmetnih usluga.

U skladu sa kriterijem „najniža cijena tehnički zadovoljavajuće ponude“ komisija je konstatovala da je ponuda ponuđača „Ahmetspahić Petrol“ d.o.o. Sarajevo, najpovoljnija sa ukupnom ponuđenom cijenom od 10.770,85 KM, te je u skladu sa navedenim dala preporuku Direktor udrave da u ime ugovornog organa donese odluku kojom će ugovor o nabavci predmetnih usluga dodijeliti navedenom ponuđaču.

Obzirom da ponuđač „Ahmetspahić Petrol“ d.o.o. Sarajevo u okviru svoje ponude broj 536/22 od 29.8.2022. godine nije dostavio dokumentaciju kojom dokazuje da ne postoje smetnje propisane odredbom člana 45. Zakona o javnim nabavkama BiH, članom II ove odluke je utvrđena obaveza dostavljanja uvjerenja i potvrda koje izdaju nadležni organi, te je ponuđač upozoren na posljedice nedostavljanja dokumentacije u ostavljenom roku.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

**Pouka o pravnom lijeku:** Protiv ove odluke može se izjaviti žalba ugovornom organu u pismenoj formi u roku od 5 (pet) dana od dana prijema iste.



Dostaviti:

1. „Centrotrans“ d.d. Sarajevo, Kurta Schorka 14, 71000 Sarajevo
2. „Osing osiguranje inženjering“ d.o.o. Sarajevo, Maršala Tita 29, 71000 Sarajevo
3. „Ahmetspahić Petrol“ d.o.o. Sarajevo, Muamera Omerbegovića 3, 71103 Sarajevo
4. Sektor za materijalno-finansijske i tehničke poslove
5. Sektor za tehničku podršku i plansko- analitičke poslove
6. Komisija za javne nabavke (a/a)



